

بِسْمِ اللَّهِ الرَّحْمَنِ الرَّحِيمِ

Khutba Jummah

HADHRAT AMIR'UL MUMINEEN MUHYI-UD-DIN

Munir Ahmad Azim

13 Mars 2015 ~

(21 Jamad'ul Awwal 1436 Hijri)

(Résumé Khutba)

Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:



Avant ki mo vine lors le sujet de mo Khutba Jummah, mo tenir à cause quelques mots lors visite de Premier ministre actuel de l'Inde, Narendra Modi ki fine vine à Maurice le 11 Mars 2015 comme Invité d'honneur pour 47^e l'anniversaire de l'Indépendance (12 Mars 1968) de nous pays. L'Honorable Narendra Modi fine faire beaucoup éloges de Maurice et de sa lien exceptionnel ki lié nous deux pays.

L'humilité ki li fine montré en tant ki ene homme d'Etat fine très apprécié par bane Mauriciens, parski bane dirigeants politiques bizin vine bane bons modèles pour la société en général, que ce soit intérieurement et aussi extérieurement. L'Honorable Narendra Modi fine honore l'Assemblée nationale par so présence hier et fine axé so discours lors célébration de la liberté et ainsi ki bane la luttes ki Maurice fine bizin faire pour gagne so l'indépendance. Li fine aussi rappelle la marche de sel (disél) ki Mahatma Gandhi ti fer le 12 Mars 1930, kot sa ti ene de bane la marche ki vine ouvert le chemin pour l'Indépendance de l'Inde.

Nous, le Jamaat Ul Sahih Al Islam, nous espérer sincèrement ki l'honorable Premier ministre de l'Inde Narendra Modi vine effectivement ene bon homme d'Etat pour l'amélioration de l'Inde dans so l'ensemble, et pour connecter l'Inde à la communauté mondiale dans la paix, la justice, la liberté et avec bane aspirations et bane plans ki bien nobles.

La Vie et la Destruction à travers la Nature

L'eau c'est la vie. Mais parfois, delo li aussi ene moyen de destruction. Kan ena trop d'ene kitchose, alors sa capave gâte sa zaffaire là complètement. De même, l'homme bizin delo pour vivre. Delo c'est ene bénédiction d'Allah. La pluie tombé pour faire revivre la terre ki fine mort (par la sècheresse etc.), et sa la pluie là fourni à l'homme delo nécessaire pour maintenir li en vie.



Bien souvent, kan action de l'homme li pas guidé par la volonté divine, mais d'après so bane propres passions, Allah (twt) servi bane éléments de la nature même contre li, et donc saki capave paraite couma ene calamité naturelle li en fait ene punition divine ki fine planifié par Allah, pour donne l'humanité ene secousse, pour faire zot comprend zot erreur et pour ki zot retourne vers l'adoration du Dieu unique (Allah) ki fine fourni zot tous zot bane nécessités et envers Ki zot ti bizin reconnaissants.

L'eau c'est la vie, mais sa même delo là capave vine ene moyen ki touye dimounes aussi. Allah (twt) ti servi delo la pluie pou inonde la ville et noye le peuple de Hazrat Nuh (as). Sa même delo ki l'homme bizin absolument pour survive li vine alors ene z'arme mortelle ki Allah servi pou puni bane ki Li fine condamné comme coupables quand zot rejette bane avertissements divines à travers So bane Prophètes et Messagers et kot alors zot faire saki zot, zot envie faire, par zot propre volonté. Allah ti servi delo aussi comme ene moyen pour sauve So Prophète Hazrat Moosa (as) et so bane suivants. Li (Allah) fine ouvert la mer pour So bane serviteurs et fine apporte par sa même delo là, sa même la mer là destruction de Pharaon et de so bane l'armées.

Depuis le début de la Manifestation Divine de sa l'époque là, nous fine témoigne beaucoup de bane calamités, mais le caractère exceptionnel de la Manifestation Divine, avec l'avènement d'ene Messenger d'Allah c'est ki Allah à travers So Messenger fine dézà donne bane avertissements à l'humanité avant ki Li saizi zot, ou certain dimounes en particulier (d'après bane révélations divines) avec So punition à cause de zot bane mauvais actions.

Et Allah affirme également dans Quran ki conséquences de bane dimounes ki fer le mal pou être le mal en retour, et ki tous bane doutes et bane calamités ki tombe lors zot c'est conséquences de zot corruption et de zot bane mauvais actions et mauvais pensées.

Allah à travers So bane prophètes, mette nous en garde contre la propagation de bane maladies, et de toutes sortes de bane calamités si arriver bane dimounes pas réforme zot la vie et commence agir avec droiture. Par conséquent, bane dimounes faudé pas blâme Allah pour kit calamité, mais zot bizin blâme zot-même. Mais ena ene vérité caché dans bane grands calamités ki pé abatte lors lé monde et sa la vérité là c'est ki à sak fois ki ene calamité abatte lors ene

peuple, alors c'est vrai ki c'est pas zis bane mauvais dimounes ki victimes de sa catastrophe là, mais bane innocents aussi. C'est ene *Qiyamat* – le temps défini pour tous sa bane dimounes là, pareil couma pour le Jour du Jugement Dernier, kot sak l'âme pou responsable de so bane propres actions, bane ki fine fer mauvais pou responsable de zot bane mauvais actions et bane dimounes justes pour responsable pour zot bane bons actions. Et ainsi, nous pas capave dire dans le cas de bane calamité ki tous bane dimounes ki fine souffert et ki fine morts de sa malheur là ki zot ti bane mauvais dimounes ki fine bizin payé pour tous saki zot ti doit à Allah pour le mal ki zot fine commette, à moins ki le Prophète d'Allah recevoir bane révélations précis de la part d'Allah kot Allah informe li et indique li ene zaffaire concernant sa zaffaire là (exemple : ki tous sa bane dimounes ki fine subir sa calamité là ti bane coupables, ki zot ti mauvais).

Quran mentionne la destruction bane la villes couma Ad, Thamoud, Iram, Sodome et Gomorrhe, pharaon de l'Égypte à l'époque de Hazrat Moosa (as), etc. Le fait ki Quran mentionne sa dans ene façon claire, alors nous capave déduire sans aucaine crainte sipa nous ena raison ou pas, ki sa bane dimounes là ti recevoir ene punition divine à tel point ki Allah fine efface zot l'existence de la surface de la terre et fine fer sa bane la villes là disparaite et ki existé (ki mentionné) seulement dans So bane livres sacrés comme ene rappel pour tous bane peuples de la terre. Allah fine même montrer couma Li ena le pouvoir pou préserve le corps de So l'ennemi (le pharaon et papa adoptif de Hazrat Moosa (as)) pour faire bane dimounes rappelle puissance absolue ki Li (Allah) ena. Nannié pas impossible dans le pouvoir d'Allah, mais kan Allah fine établi certains règles, alors Li suivre sa, de sorte ki sa servi comme ene guidance pour bane nations du monde et ki zot agir d'après bane la lois prescrits ki Li fine envoyé pour zot (pour nous) comme ene signe de So miséricorde pour toute l'humanité.

De ce fait, depuis le début de la manifestation divine de sa l'époque là, avec l'avènement d'ene Khalifatullah à bane peuples du monde – pas seulement pour ene partie de l'humanité, Allah fine guide moi, fine guide sa humble serviteur là pour ki mo donne bane avertissements clairs concernant l'approche de bane calamités – que ce soit sous forme de bane inondations, tremblements de terre, accidents avion, etc. à bane peuples du monde, et parfois, à bane pays spécifiques ki agir au-delà de bane limites ki Allah fine permette et ki assassine bane innocents au nom de la religion.

Sa bane 15 derniers l'années là fine remplies de bane calamités inattendues, bane telles calamités ki fine choque le monde entier – surtout aujourd'hui kot nous cause astaire de communauté mondiale, communauté globale. Bane dimounes pé morts dans bane conflits, bane la guerres, bane inondations, bane tremblements de terre, bane accidents, et ena même ki fine disparu dans bane avions ki reste jusqu'à présent sans trace, et aussi, Allah fine accompli aussi bane prophéties concernant la mort de So bane ennemis – bane ki fine assassine bane innocents par cupidité pour gagne l'argent, la gloire et la puissance.

Tout réssamen, dans l'océan Indien, au début de l'année 2015 – le mois dernier, nous fine assisté à bane inondations dans Madagascar. Ici aussi, mo bizin mentionné ki pendant mo visite à Madagascar, c'est vrai ki plusieurs dimounes fine recevoir reçu le message d'Allah et fine intégré le Jamaat et bane les autres fine reste en contact pour apprane plisse lors véracité de la manifestation divine de sa l'époque là, mais comme c'est à prévoir, fine ena aussi bane les autres dimounes ki fine moque de sa et fine essaye faire bane problèmes. Certains dimounes fine essaye cokain sa humble serviteur là mais la main d'Allah le Tout-puissant (*mo Rab bien-aimé*) fine interdit zot pou nuire moi, So Messenger, So Khalifa (calife) choisi de kit façon. Maintenant, bane dimounes de sa pays là pé extrêmement souffert. Malgré zot dezà pauvres, zot pé vine de plus en plus pauvres et plus démuni ki avant. Mais eski nous capave blâme zot tous? Non. Certains fine recevoir le message, tandis ki bane les autres pas fine recevoir, mais quand Allah envoie ene calamité; Li prive également bane innocents, que ce soit de zot bane nécessités de baze ou même de zot la vie. Kifaire? Eski Allah Li ene Dieu injuste, eski Li ena ene lékaire roche pour faire sa à bane dimounes innocents? Non. Parfois, Allah (twf) bizin faire sa, tout d'abord comme ene épreuve pour bane ki vraiment sincères et pieux et deuxièmement comme ene fatalité pour bane les autres ki zot bizin supporter comme ene leçon pour zot, mais bane ki vraiment innocents, Allah ramène zot à la vie (dans Aakhérat) avec So pardon et miséricorde. Sa bane dimounes là vine bane martyres.

Abu Huraira fine rapporté ki le Messenger d'Allah (saws) fine dire: *«Celui ki mort en combattant pour la cause d'Allah li ene martyr, celui ki mort dans la cause d'Allah ene martyr, celui ki mort dans ene épidémie ene martyr, celui ki mort d'ene maladie de l'estomac ene martyr, et celui ki mort noyé (aussi) ene martyr.»* (Muslim)

Sa'id Ibn Zaid fine rapporté ki le Prophète (saws) fine dire: *«Celui ki (mort) touyé tout en protégeant so bane di biens ene martyr, celui ki mort alors ki li pé défendre li-même ene martyr, celui ki mort en défendant so la religion ene martyr, et celui ki mort alors ki li pé protége so famille (aussi) ene martyr.»* (Ahmad et Tirmidhi)

Yahya rapporté de Malik ki rapporté d'Abdullah ibn Abdullah ibn Jabir ibn Atik ki Atik ibn al-Harith fine dire li ki le Messenger d'Allah (saws) fine dire: *«D'après zot, ki été mort couma ene martyr ? »* Zot fine réponde, *« La mort dans le chemin d'Allah. »* Le Messenger d'Allah (saws) fine dire: *« Ena sept types de martyrs aparte bane ki tué dans le chemin d'Allah. Kikaine ki mort par la peste li ene martyr, kikaine ki noyé ene martyr, kikaine ki mort d'ene pleurésie (inflammation poumon) ene martyr, kikaine ki mort d'ene maladie ventre ene martyr, kikaine ki mort par difé ene martyr, kikaine ki mort enba ene bâtiment ki fine tombé li ene martyr, et ene madame ki mort en donnant naissance (à ene bébé) ene martyr. »* (Al-Muwatta)

Si ene telle dimoune ti pé fer bane zéffort pour la cause d'Allah et mort dans ene telle calamité, alors so la mort li ene martyre pour la cause d'Allah, et rien d'autre. Tout basé selon bane l'intentions et actions de bane dimounes. Allah juge bane dimounes non seulement pour zot bane

actions mais pour zot bane l'intentions aussi, surtout pour zot bane l'intentions, parski bane l'intentions zot la racine et véhicule de bane actions, kot zot canalize bane actions, et permette pour faire sa bane actions vine soit bane bons actions ou bane mauvais actions.

Et maintenant, depuis détrois jours (depuis le 6 mars 2015), delo fine vine à l'origine de bane bouleversements dans ti l'île Maurice. Dans bane premiers jours de Mars, fine ena bane la pluie torrentiel. Fine ena tellement la pluie ki le 09 Mars 2015, gouvernement fine bizin émette ene communiqué pou ferme tous bane l'écoles publiques. L'île en entier fine gagne bane fortes averses, avec so tonnerre et la foudre aussi. De ce fait, fine ena coupures courants (électricité), et bane gros la pluies fine provoque bane glissements terrain et bane inondations, envahissant la cazes de bane dimounes, et détruisant zot bane provisions et meubles, etc. Zot bane machines (l'auto etc.) aussi pas fine épargnés. Cyclone tropical «Haliba» ki ti formé au large de la côte de Madagascar fine apporte bane la pluies intenses pas seulement à Maurice, mais aussi à la Réunion et Rodrigues. Sa bane l'îles là fine également ena à faire face à bane difficultés de bane inondations et glissements terrain.



En plisse de sa, fine ena aussi tout dernièrement le 06 Mars 2015 ene manifestation dans léciel dans Maurice dans la plage « La Preneuse », kot ene française ki fine établie li à Maurice depuis maintenant deux ans, et so camarade (ene madame) fine témoins d'ene trombe marine dans le ciel et la mer de Maurice. Sa fine surprendre zot et aussi effraye zot pou trouve ene telle spectacle devant zot lizié. Ene trombe marine li couma ene espèce de tourbillon ki former avec bane nuages ki convergé vers la mer, et sa li formé kan ena bane courant ki vine de la mer et du ciel surtout kan ena bane nuages actifs ki accompagné avec l'orage.

Si nous compte tous bane calamités ki Allah fine manifesté depuis le début de la manifestation divine, depuis l'année 2000-2001, nous ti pou bizin bane pages par milliers pou note tous sa bane évènements là. Le fait rester ki sa bane calamités ki fine ena lieu là, et kot beaucoup de bane dimounes fine morts, alors parmi zot, certains ti bane coupables et certains ti innocents, et le jugement de sa deux catégories de bane dimounes là appartenir à Allah seul. Si ene prophète d'Allah ti gagne patente de la part d'Allah pou juge la foi de bane dimounes, alors li ti pou faire

tout saki dans so capacité pou faire zot tous vine bane bons croyants avec ene vrai la foi sincère, mais mo bane très chers (frères et sœurs), la foi li dans balance d'Allah et c'est Allah ki ena le droit pour juger. Ene prophète d'Allah pas capave certainement dire kitchose excepté si li fine gagne bane révélations claires de la part d'Allah, et kot sa alors vine ene prophétie pour bane peuples de la terre pour témoigne de so véracité. Sinon, ene prophète d'Allah, couma tout être humain pas ena le pouvoir pou trouve contenu de bane lé cœurs et juge zot en conséquence.

Ki Allah permette à bane chercheurs de vérité pou percevoir la vérité d'Allah à travers lizié d'Allah. Ki Allah guide zot lé cœurs pou percevoir la véracité de la manifestation divine de sa l'époque là et pou conforme zot à bane la lois pures d'Allah couma fine mentionné dans le Quran Shareef. Mo fine vini pour faire revivre bane ki spirituellement morts parmi toute l'humanité. Mo mission c'est ene mission universelle. Si zot ouvert zot lé cœur complètement à la lumière ki Allah pé manifester dans sa l'époque là, alors *Insha-Allah* zot pou recevoir sa la lumière là sans aucaine crainte ou doute. Allah pou guide zot vers So élu, ki fine vini pou guide zot tous vers Li, pour enseigne zot bane meilleurs moyens pou atteindre Allah avec ene lé cœur purifié. Sa la lumière d'Allah là li couma ene delo pur ki vine du ciel; ene delo ki vine d'Allah. Ô bane ki assoiffés de bane bénédictions et réconfort divines, vine de l'avant pou recevoir sa delo ki pou accorde zot la vie éternelle. *Insha-Allah*.